

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 248575 24 St
Zenica, 18.09.2025. godine

Općinski sud u Zenici, stečajni sudija Amela Sinanović, u stečajnom postupku koji je pokrenut po prijedlogu predlagatelja Društvo za proizvodnju, promet i usluge „SARAJLIĆ-PROM“ d.o.o. Žepče, Donje Ravne broj 56, Žepče, za provođenje stečajnog postupka nad navedenim društvom, nakon održanog ročišta dana 10.07.2025.godine, u prisustvu privremenog stečajnog upravnika Perković Ante zastupnika po zakonu Prasko Edina, direktora, i Sarajlić Asafa, punomoćnik Federalnog ministarstva finansija, Porezna uprava, Kantonalni porezni ured Zenica, dana 18.09.2025. godine, donio je sljedeće:

R J E Š E N J E

Otvara se i zaključuje stečajni postupak nad Društvo za proizvodnju, promet i usluge „SARAJLIĆ-PROM“ d.o.o. Žepče, Donje Ravne broj 56, Žepče, MBS 43-01-0048-10 (stari broj 1-8897), zbog nepostojanja imovine za namirenje troškova postupka, te se nalaže brisanje ovog društva iz sudskog registra zavedenog pod brojem 43-01-0048-10 (stari broj 1-8897), a po pravomoćnosti ovog rješenja.

O b r a z l o ž e n j e

Stečajni dužnik je kao predlagatelj dana 24.07.2024. godine podnio prijedlog za otvaranje stečajnog postupka. Rješenjem broj 43 0 St 248575 24 St od 27.11.2024. godine, određeno je pokretanje prethodnog stečajnog postupka i za privremenog stečajnog upravnika je imenovan Perković Anto iz Žepča, Ponijevo br. 30.

Da bi utvrdio stečajne razloge iz čl. 6. Zakona o stečaju (Sl. novine F BiH, broj: 53/21), sud je zakazao ročište za utvrđivanje uvjeta za otvaranje stečajnog postupka.

Na ročištu za utvrđivanje uvjeta za otvaranje stečajnog postupka, privremeni stečajni upravnik je ostao kod pismenog izvještaja od 26.12.2024.g i Dopunskog izvještaja od 21.01.2025.godine, te je istakao da stečajni dužnik ne obavlja svoju djelatnost od 24.07.2024. godine. Uvidom u poslovnu dokumentaciju i finansijsko poslovanje stečajnog dužnika utvrdio je da stečajni dužnik nije u mogućnosti izmirivati svoje obaveze praktično zadnje dvije godine. Zadnji finansijski izvještaj predat je u nadležnu „FIA“ -Ispostava Zenica dana 23.07.2024. godine. Stalna sredstva, zemljište, građevinski objekti, privrednog društva jednaki su nuli, a čemu su priloženi Uvjerjenje zemljišno knjižnog ureda Žepče, Uvjerjenje službe za graditeljstvo općine Žepče. Transakcijski računi kod svih poslovnih banaka su blokirani. U Bilanci stanja na dan 23.07.2024. godine stoji da na računima društva ima 54,00 KM, Stanje obaveza iznosi 1.829.487,00 KM, od čega su : kratkoročne obaveze 1.237.492,00 KM, i dugoročne obaveze iznose 591.995,00 KM, obaveze po kreditima 591.995,00 KM, obaveze po amortizovanom trošku 845.258,00 KM, obaveze prema dobavljačima 793.014,00 KM, ostale obaveze po izdatim dužnim instrumentima 52.244,00 KM, obaveze za porez na dobit 7.2255,00 KM, kao i ostale obaveze uključujući i rezervisanje u iznosu 385.009,00 KM. Pokretna

imovina društva iznosi 82.000,00 KM, a odnosi se na transportna sredstva. U Uvjeranju MUP-a Žepče evidentirano je 20 motornih vozila koja su bila u vlasništvu društva i koja su objavljen po službenoj dužnosti u periodu od 2012. do 2024. godine. Prijedlog za otvaranje stečajnog postupka je dopušten i osnovan, a stečajni postupak nije pokrenut u roku od 60 dana od dana nastupanja platežne nesposobnosti. Platežna nesposobnost traje mnogo duže, već više od 60 dana. U pogledu sudbine vozila privremeni stečajni upravitelj je izjavio da su ista prema pisanoj izjavi direktora Edina Praske od 03.02.2025. godine otuđena, a u cilju utvrđivanja sudbine vozila uputio je SARAJLIĆ-PROM d.o.o. Žepče, KONER d.o.o. Žepče – knjigovodstveni servis, BS BIRO d.o.o. Zenica – knjigovodstveni servis, Kantonalni porezni ured Zenica – porezna Zenica, MUP – Žepče, Odsjek za administraciju, da se javio se Senad Bašić ispred knjigovodstvenog servisa „BS BIRO“ d.o.o. u kome ga obavijestio da se kompletna dokumentacija u posjedu firme, a ne kod njih kao knjigovodstvenog servisa. Također, je istakao da je dana 09.06.2025. godine dobio je dopis od MUP-Zenica „SARAJLIĆ-PROM“ d.o.o. Žepče, sa napomenom da su vozila pod zabranom otuđenja, da je provjeravao da li postoji bilo kakva mogućnost da su se vozila pojavila bilo gdje i registrirala u BiH pod brojevima šasije koja imaju, i da je dobio odgovor od zaposlenika MUP-a da to nije moguće, sistem rada i djelovanja je jedinstven na cijeloj teritoriji BiH, a posebno zbog unesene napomene zabrane otuđenja. Dana 11.06.2025. godine dobio je e-mail od Nedžada Kovačevića koji ga je obavijestio da su vodili društvo u periodu 2020, 2021. 2022. godinu, nakon toga su vratili svu dokumentaciju SARAJLIĆ-PROM d.o.o. Dana 23.06.2025. godine je dobio dopis od Porezne uprave F BiH – Kantonalni ured Zenica, broj:13-4-01-12-26-1629/24 BLJ od 13.06.2025. godine, u kome su ga izvijestili da se zaplijenjena imovina poreznog obveznika, po zapisnicima o pljenidbi nalazi smještena na skladištu Porezne uprave F BiH Kantonalni porezni ured Zenica. Dana 01.07.2025. godine dobio je dopis od Edina Praske da ne posjeduje dokumentaciju o vozilima, da je ista prodao na otpad, a sredstva dobivena od prodaje utrošio u redovnom poslovanju.

Zastupnik po zakonu Edin Prasko je u svojoj izjavi datoj pred sudom na okolnosti sudbine motornih vozila koji se vode u službenim evidencijama MUP-a na stečajnom dužniku, je izjavio da je naslijedio firmu, a sve je vodio njegov punac, koji je preminuo. Ne zna tačno gdje su vozila otišla, zna da ima jedno vozilo ukradeno. Sva vozila su prodana na otpad u staro željezo u period od 2005. do 2023. godine. Misli da se kao vlasnik upisao 2004. godine. Kada je dolazila kontrola od strane Porezne uprave nije mogao pronaći dokumentaciju koja se tiče prodaje vozila u otpad-staro željezo. Vozila je prodavao punac, a on je o tome saznavao na način da samo vidi da nema vozila, većinom su to bila vozila koja nisu bila u voznom stanju.

Punomoćnik Porezna uprava FBIH, Kantonalni porezni ured Zenica, je stavio primjedbe na izvještaj privremenog stečajnog upravitelja, te je istakao da je prema dopisu MUP-a ZDK broj 08-01-02/8-03-7-6-831/24 od 07.05.2024. godine stavljena zabrana otuđenja, o čemu su obaviješteni od strane MUP-a aktom broj 08-01-02/8-03-7-6-965/24-FA od 27.05.2024. godine, a Kantonalni porezni ured Zenica je aktom broj 13-04-01-12-26-241/24BLJ od 21.05.2024. godine evidentirala zabranu otuđenja navedenih motornih vozila, prije pokretanja prethodnog postupka za utvrđivanja uvjeta za otvaranje stečajnog postupka Rješenjem postupajućeg suda koje je objavljeno u Službenim novinama Federacije dana 12.11.2024. godine, da je Porezna uprava zaplijenila samo pet vozila, a ostalih 15 nije jer nisu pronađena, da se svih pet zaplijenjenih vozila nalaze u skladištu kod Kantonalnog poreznog ureda Zenica i u toku je postupak prodaja svih zaplijenjenih vozila, te da će Porezna uprava pokrenuti odgovarajuće postupke ukoliko se ista ne pronađu.

Kako iz izvještaja stečajnog upravitelja, dostavljenih dokaza uz izvještaj Zapisnik o pljenidbi imovine Kantonalnog poreznog ureda Zenica br. 13-4-01-12-26-1842/23 BLJ(M.S.) od 19.08.2024.godine, broj 13-4-01-12-28-906/24-6 BLJ od 11.11.2024.godine, 13-4-01-12-26-1842/23 BLJ od 13.09.2024.godine, proističe da se pet vozila u vlasništvu stečajnog dužnika

nalaze u posjedu Porezna uprava FBiH, Kantonalni porezni ured Zenica, zaplijenjena u postupku prinudne naplate dužnih poreznih obaveza, koja vrši i prodaju navedenih vozila, te kako iz Izvještaja privremenog stečajnog upravnika proizlazi da Društvo, iako postoje stečajni razlozi, nema imovine, jer nisu pronađena preostala vozila koja su prema izjavi zastupnika po zakonu Edina Prasko prodana na otpad u staro željezo u period od 2005. do 2023. godine, to je sud primjenom odredbe člana 102 st. 7 i 8. Zakona o stečaju, a po prijedlogu privremenog stečajnog upravnika, Rješenjem od 14.07.2025.godine, objavljeno u „Sl.novinama FBiH“ broj 59/25 od 06.08.2025.godine, pozvao povjerioc i zainteresirana lica da uplate predujam za obezbjeđenje troškova stečajnog postupka.

Imajući u vidu naprijed navedeno, zaključak je da društvo ne posjeduje nikakvu imovinu, da postoji stečajni razlog za pokretanje stečajnog postupka, ali da imovina društva nije dovoljna da pokrije troškove stečajnog postupka.

Kako stečajni dužnik ima obveze, a nema imovine pa ni za troškove stečajnog postupka, a zainteresirane osobe ni po proteku roka ostavljenom u rješenju donesenog od strane ovog suda nisu predujmila novčani iznos za pokrivanje troškova stečajnog postupka, to je primjenom odredbe čl. 102. stav 8. Zakona o stečaju odlučeno kao u izreci ovog rješenja.

Ovim rješenjem određeno je otvaranje i istovremeno zaključenje stečajnog postupka i brisanje ove pravne osobe iz sudskog registra.

PRAVNA POUKA:

Protiv ovog rješenja dopuštena je žalba Kantonalnom sudu Zenica u roku od 8 dana, putem ovog suda, od dana dostave rješenja.

Stečajni sudija:
Amela Sinanović, s.r.